

ATODLEN 1

YMGORFFORI SWYDDFA ARCHWILIO CYMRU

RHAN 2

AELODAU ANWEITHREDOL

Penodi aelodau anweithredol

- 4 (1) Mae aelodau anweithredol i'w penodi gan y Cynulliad Cenedlaethol.
- (2) Rhaid i benodiadau a wneir o dan is-baragraff (1) gael eu gwneud ar gasgliadau cystadleuaeth deg ac agored.

Gwybodaeth Cychwyn

- I1** Atod. 1 para. 4 ddim mewn grym ar y Cydsyniad Brenhinol, gweler **a. 35(2)**
- I2** Atod. 1 para. 4 mewn grym ar 4.7.2013 gan O.S. 2013/1466, **ergl. 2(u)(iv)**

Penodi cadeirydd ar SAC

- 5 (1) Mae cadeirydd ar SAC i'w benodi gan y Cynulliad Cenedlaethol o blith yr aelodau anweithredol.
- (2) Ond cyn penodi'r cadeirydd rhaid ymgynghori â'r Prif Weinidog.
- (3) Caiff y Cynulliad Cenedlaethol estyn penodiad o dan y paragraff hwn yn unol â'r weithdrefn sy'n ofynnol ar gyfer y penodiad gwreiddiol.
- (4) Mae estyniad i'r penodiad yn cyfrif fel penodiad ar wahân at ddibenion paragraffau 6 i 8.

Gwybodaeth Cychwyn

- I3** Atod. 1 para. 5 ddim mewn grym ar y Cydsyniad Brenhinol, gweler **a. 35(2)**
- I4** Atod. 1 para. 5 mewn grym ar 4.7.2013 gan O.S. 2013/1466, **ergl. 2(u)(v)**

Cyfnod penodi ac ailbenodi

- 6 (1) Rhaid i benodiad o dan y Rhan hon o'r Atodlen hon fod am gyfnod o hyd at 4 blynedd a dim mwy na hynny.
- (2) Ni chaniateir penodi person o dan y Rhan hon o'r Atodlen hon fwy na dwywaith.

Gwybodaeth Cychwyn

- I5** Atod. 1 para. 6 ddim mewn grym ar y Cydsyniad Brenhinol, gweler **a. 35(2)**
- I6** Atod. 1 para. 6 mewn grym ar 4.7.2013 gan O.S. 2013/1466, **ergl. 2(u)(vi)**

Newidiadau i ddeddfwriaeth: Ar hyn o bryd nid oes unrhyw effeithiau heb eu gweithredu yn hysbys ar gyfer y Deddf Archwilio Cyhoeddus (Cymru) 2013, RHAN 2. (See end of Document for details)

Trefniadau talu cydnabyddiaeth

- 7 (1) Caiff y Cynulliad Cenedlaethol wneud trefniadau ar gyfer talu cydnabyddiaeth mewn perthynas â'r person sy'n gadeirydd SAC (yn ddarostyngedig i is-baragraff (2) a pharagraff 9).
- (2) Ond cyn gwneud y trefniadau hynny rhaid ymgynghori â'r Prif Weinidog.
- (3) Bydd symiau sy'n daladwy o dan is-baragraff (1) yn cael eu codi ar Gronfa Gyfunol Cymru a'u talu ohoni.
- (4) Caiff y Cynulliad Cenedlaethol wneud trefniadau ar gyfer talu cydnabyddiaeth mewn perthynas ag unrhyw aelod anweithredol arall.
- (5) Bydd symiau sy'n daladwy o dan is-baragraff (4) yn cael eu talu gan SAC.
- (6) Caniateir i drefniadau talu cydnabyddiaeth o dan y paragraff hwn—
- darparu ar gyfer cyflog, lwfansau, arian rhodd, a buddion eraill i dalu treuliau yr aed iddynt yn briodol ac o anghenraid, ond nid ar gyfer pensiwn, a
 - cynnwys fformiwlâ neu fecanwaith arall ar gyfer addasu un neu fwy o'r elfennau hynny o dro i dro.
- (7) Ond ni chaiff unrhyw elfen fod yn seiliedig ar berfformiad.

Gwybodaeth Cychwyn

- I7** Atod. 1 para. 7 ddim mewn grym ar y Cydsyniad Brenhinol, gweler **a. 35(2)**
- I8** Atod. 1 para. 7 mewn grym ar 4.7.2013 gan O.S. 2013/1466, **ergl. 2(u)(vii)**

Telerau penodi eraill

- 8 (1) Caiff y Cynulliad Cenedlaethol bennu telerau penodi eraill ar gyfer penodiad o dan y Rhan hon o'r Atodlen hon (yn ddarostyngedig i baragraff 9).
- (2) Caiff y telerau hynny gynnwys cyfyngiadau ar y canlynol—
- y swyddi (gan gynnwys swyddi y caniateir penodi personau iddynt, eu hargymell ar eu cyfer neu eu henwebu ar eu cyfer gan neu ar ran y Goron, y Cynulliad Cenedlaethol neu Gomisiwn y Cynulliad Cenedlaethol)—
 - y caiff aelod anweithredol eu dal tra bo'r person hwnnw yn aelod, neu wedi iddo beidio â bod yn aelod;
 - y caiff cadeirydd SAC eu dal tra bo'r person hwnnw'n gadeirydd, neu wedi iddo beidio â bod yn gadeirydd, a
 - y cytundebau a'r trefniadau eraill (gan gynnwys cytundebau a threfniadau gyda'r Goron, y Cynulliad Cenedlaethol neu Gomisiwn y Cynulliad Cenedlaethol, neu gyrff neu bersonau eraill sy'n gweithredu ar ran y Goron, y Cynulliad Cenedlaethol neu Gomisiwn y Cynulliad)—
 - y caiff aelod anweithredol fod yn barti iddynt tra bo'r person hwnnw yn aelod, neu wedi iddo beidio â bod yn aelod;
 - y caiff cadeirydd SAC fod yn barti iddynt tra bo'r person hwnnw'n gadeirydd, neu wedi iddo beidio â bod yn gadeirydd.
- (3) Ond dim ond tra bod person yn aelod anweithredol, ac am uchafswm o 2 flynedd yn dechrau ar y diwrnod y mae person yn peidio â bod yn aelod anweithredol, y caniateir gorfodi'r cyfyngiadau hyn.

Newidiadau i ddeddfwriaeth: Ar hyn o bryd nid oes unrhyw effeithiau heb eu gweithredu yn hysbys ar gyfer y Deddf Archwilio Cyhoeddus (Cymru) 2013, RHAN 2. (See end of Document for details)

Gwybodaeth Cychwyn

- I9** Atod. 1 para. 8 ddim mewn grym ar y Cydsyniad Brenhinol, gweler **a. 35(2)**
I10 Atod. 1 para. 8 mewn grym ar 4.7.2013 gan O.S. 2013/1466, **ergl. 2(u)(viii)**

Ymgynghori

- 9 (1) Cyn gwneud unrhyw drefniadau o dan baragraff 7 neu benderfyniad o dan baragraff 8, rhaid ymgynghori â pherson priodol sydd â goruchwyliaeth dros benodiadau cyhoeddus.
- (2) Mae'r ymgynghoriad sy'n ofynnol o dan is-baragraff (1) yn ychwanegol at yr ymgynghoriad sy'n ofynnol o dan baragraff 7(2).

Gwybodaeth Cychwyn

- I11** Atod. 1 para. 9 ddim mewn grym ar y Cydsyniad Brenhinol, gweler **a. 35(2)**
I12 Atod. 1 para. 9 mewn grym ar 4.7.2013 gan O.S. 2013/1466, **ergl. 2(u)(ix)**

Dod â phenodiadau i ben

- 10 (1) Caiff y person sy'n gadeirydd ar SAC ymddiswyddo o'i swydd fel cadeirydd drwy roi hysbysiad ysgrifenedig i'r Cynulliad Cenedlaethol.
- (2) Caiff aelod anweithredol ymddiswyddo drwy roi hysbysiad ysgrifenedig i'r Cynulliad Cenedlaethol.
- (3) Daw penodiad y person sy'n ymddiswyddo i ben, yn unol ag is-baragraffau (1) neu (2), pan fo'r ymddiswyddiad yn cael ei dderbyn.

Gwybodaeth Cychwyn

- I13** Atod. 1 para. 10 ddim mewn grym ar y Cydsyniad Brenhinol, gweler **a. 35(2)**
I14 Atod. 1 para. 10 mewn grym ar 4.7.2013 gan O.S. 2013/1466, **ergl. 2(u)(x)**

- 11 (1) Caiff y Cynulliad Cenedlaethol ddod â phenodiad aelod anweithredol i ben drwy roi hysbysiad ysgrifenedig i'r aelod os—
- bu'r aelod yn absennol o gyfarfodydd SAC heb ganiatâd SAC am gyfanswm o 3 mis neu fwy (dros gyfnod neu gyfnodau) mewn unrhyw gyfnod o 12 mis,
 - yw'r aelod wedi mynd yn fethdalwr neu wedi gwneud trefniant â chredydwyr,
 - yw ystâd yr aelod wedi ei secwestru yn yr Alban neu fod yr aelod wedi ymrwmo i gynllun trefniant dyled o dan Ran 1 o Ddeddf Trefnu ac Atafaelu Dyled (Yr Alban) 2002 fel dyledwr, neu wedi gwneud, o dan gyfraith yr Alban, gompównd neu drefniant gyda chredydwyr yr aelod neu wedi rhoi gweithred ymddiried iddynt,
 - yw'r aelod yn anaddas i barhau oherwydd camymddygiad,
 - yw'r aelod wedi methu â chydymffurfio â thelerau'r penodiad, neu
 - yw'r aelod yn methu â chyflawni ei swyddogaethau fel arall, yn anaddas i'w cyflawni fel arall, neu'n anfodlon eu cyflawni fel arall.

Newidiadau i ddeddfwriaeth: Ar hyn o bryd nid oes unrhyw effeithiau heb eu gweithredu yn hysbys ar gyfer y Deddf Archwilio Cyhoeddus (Cymru) 2013, RHAN 2. (See end of Document for details)

- (2) Os yw'r aelod anweithredol y daw a'i benodiad i ben o dan is-baragraff (1) yn gadeirydd ar SAC, mae penodiad y person hwnnw fel cadeirydd hefyd yn dod i ben.

Gwybodaeth Cychwyn

I15 Atod. 1 para. 11 ddim mewn grym ar y Cydsyniad Brenhinol, gweler **a. 35(2)**

I16 Atod. 1 para. 11 mewn grym ar 4.7.2013 gan O.S. 2013/1466, **ergl. 2(u)(x)**

- 12 (1) Caiff y Cynulliad Cenedlaethol ddod â phenodiad aelod anweithredol fel cadeirydd SAC i ben.
- (2) Ond cyn dod â phenodiad i ben rhaid ymgynghori â'r Prif Weinidog.
- (3) Caiff y Cynulliad Cenedlaethol ddod â'r penodiad i ben os yw'r person sy'n gadeirydd ar SAC—
- (a) wedi methu â chydymffurfio â thelerau'r penodiad, neu
 - (b) fel arall yn anfodlon cyflawni swyddogaethau bod yn gadeirydd SAC.

Gwybodaeth Cychwyn

I17 Atod. 1 para. 12 ddim mewn grym ar y Cydsyniad Brenhinol, gweler **a. 35(2)**

I18 Atod. 1 para. 12 mewn grym ar 4.7.2013 gan O.S. 2013/1466, **ergl. 2(u)(x)**

Gwybodaeth Cychwyn

I13 Atod. 1 para. 10 ddim mewn grym ar y Cydsyniad Brenhinol, gweler **a. 35(2)**

I14 Atod. 1 para. 10 mewn grym ar 4.7.2013 gan O.S. 2013/1466, **ergl. 2(u)(x)**

I15 Atod. 1 para. 11 ddim mewn grym ar y Cydsyniad Brenhinol, gweler **a. 35(2)**

I16 Atod. 1 para. 11 mewn grym ar 4.7.2013 gan O.S. 2013/1466, **ergl. 2(u)(x)**

I17 Atod. 1 para. 12 ddim mewn grym ar y Cydsyniad Brenhinol, gweler **a. 35(2)**

I18 Atod. 1 para. 12 mewn grym ar 4.7.2013 gan O.S. 2013/1466, **ergl. 2(u)(x)**

Newidiadau i ddeddfwriaeth:

Ar hyn o bryd nid oes unrhyw effeithiau heb eu gweithredu yn hysbys ar gyfer y Deddf Archwilio Cyhoeddus (Cymru) 2013, RHAN 2.